



Broj: 08-01-03/1-11-2-647-11/22

Dana: 01.06.2022. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20 i 10/21), postupajući po Rješenju Ureda za razmatranje žalbi, Filijala Mostar broj: JN2-03-07-1-1060-8/22 od 27.05.2022. godine, u postupku javne nabavke "Pružanje usluga tehničkog pregleda vozila Ministarstva unutrašnjih poslova Zeničko-dobojskog kantona, na području Grada Zenica", ministar Ministarstva unutrašnjih poslova Zeničko-dobojskog kantona, d o n o s i:

ODLUKU **o poništenju postupka javne nabavke**

Član 1.

1. Poništava se postupak javne nabavke za "Pružanje usluga tehničkog pregleda vozila Ministarstva unutrašnjih poslova Zeničko-dobojskog kantona, na području Grada Zenica".
2. Poništava se Odluka o izboru najpovoljnijeg ponuđača broj: 08-01-03/1-11-2-647-6/22 od 06.04.2022. godine.
3. Poništava se Poziv za dostavljanje ponuda za nabavku usluga tehničkog pregleda broj: 08-01-03/1-11-2-647-1/22 od 28.02.2022. godine, kao i svi akti doneseni u predmetnom postupku javne nabavke.
4. Obavezuje se ugovorni organ da žalitelju "ASA ASSISTANCE" d.o.o. Sarajevo, zastupanom po punomoćniku Advokatskom društvu VAC Legal doo i advokatu Erminu Veličaninu iz Sarajeva, isplati troškove žalbenog postupka u iznosu od 280,08 KM sa uračunatim PDV-om, u roku od 15 dana od dana prijema Rješenja Ureda za razmatranje žalbi, Filijala Mostar broj: JN2-03-07-1-1060-8/22 od 27.05.2022. godine.

Član 2.

Za izvršenje ove Odluke zadužuje se i ovlašćuje Sektor za podršku.

Član 3.

Ova Odluka objavit će se na web-stranici ugovornog organa (www.mupzdk.gov.ba), u skladu sa članom 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-01-03/1-11-2-647/22 od 28.02.2022. godine, za nabavku usluga iz Aneksa II dio B Zakona o javnim nabavkama.

Javna nabavka provedena je putem Poziva za dostavu ponuda za "Pružanje usluga tehničkog pregleda vozila Ministarstva unutrašnjih poslova Zeničko-dobojskog kantona, na području Grada Zenica", broj: 08-01-03/1-11-2-647-1/22 od 28.02.2022. godine, koji je dana 28.02.2022.godine objavljen na web stranici ugovornog organa (www.mupzdk.gov.ba).

Procijenjena vrijednost nabavke na dvogodišnjem nivou iznosi 1.400,00 KM bez PDV-a.

Nakon provedenog prikupljanja, otvaranja i ocjene prihvatljivih ponuda, ugovorni organ je donio Odluku o izboru najpovoljnijeg ponuđača za "Pružanje usluga tehničkog pregleda vozila Ministarstva unutrašnjih poslova Zeničko-dobojskog kantona broj: 08-01-03/1-11-2-647-6/22 od 06.04.2022. godine, kojom je ugovor za nabavku usluga dodijeljen "AUTOCENTAR BH" d.o.o. Sarajevo, Podružnica Zenica.

Dana 14.04.2022. godine od strane ponuđača "ASA ASSISTANCE" d.o.o. Sarajevo, zastupanom po punomoćniku Advokatskom društvu VAC Legal doo i advokatu Erminu Veličaninu iz Sarajeva, protokolirana pod brojem: 08-01-03/1-11-2-647-7/22 od 14.04.2022. godine, izjavljena je žalba na Odluku o izboru najpovoljnijeg ponuđača broj: 08-01-03/1-11-2-647-6/22 od 06.04.2022. godine, u postupku javne nabavke "Pružanje usluga tehničkog pregleda vozila Ministarstva unutrašnjih poslova Zeničko-dobojskog kantona, na području Grada Zenica".

Ista je dana 19.04.2022. godine uz izjašnjenje ugovornog organa prosljeđena Uredu za razmatranje žalbi.

Rješenjem Ureda za razmatranje žalbi, Filijala Mostar broj: JN2-03-07-1-1060-8/22 od 27.05.2022. godine, žalba je usvojena, poništen je postupak javne nabavke u potpunosti, skupa sa Odlukom o izboru najpovoljnijeg ponuđača broj: 08-01-03/1-11-2-647-6/22 od 06.04.2022. godine, Pozivom za dostavljanje ponuda za nabavku usluga tehničkog pregleda broj: 08-01-03/1-11-2-647-1/22 od 28.02.2022. godine, kao i svi akti doneseni u predmetnom postupku javne nabavke, te je usvojen zahtjev žalioca za naknadu troškova žalbenog postupka koji se sastoje od troškova sastava žalbe u iznosu od 240,00 KM, PDV u iznosu od 40,80 KM, ukupno 280,80 KM.

Slijedom navedenog, u skladu s članom 69. stav (3) Zakona o javnim nabavkama BiH („Službeni glasnik BiH“, broj 39/14), odlučeno je kao u dispozitivu.

POUKA O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o poništenju postupka javne nabavke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi, direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

